





陳羽詩集目錄

賦

明水賦

五言古詩

公子行

五言排律

中秋臨鏡湖望月

御溝新柳

西蜀送許中庸歸秦赴舉

五言律詩

春日晴原野望

湘妃怨

陳羽詩目

送戴端公赴容州

送殷華之洪州

春園即事

五言絕句

梁城父老怨

江上愁思二首

送遠上人

七言古詩

長相思


七言律詩

喜雪上竇相公

送友人及第歸江東

長安卧病言懷

梓州與温商夜別



七言絕句

湘妃怨

步虛詞

廣陵秋夜即事

吳城覽古

伏翼西洞送人

吳王廟

宴九華池贈主人

長安早春言志

讀蘇屬國傳

健為城夜泊聞夷歌

和王中丞使君春日過高評事幽居

和王中丞中和日

同韋中丞花下夜飲

贈歌人

若耶溪逢陸澧

夜泊荆溪

南山別僧

陳羽詩目

二

戲題山居二首

山中喜士閑見過

過欒陽山溪

姑蘇臺懷古

將歸舊山留別

遊洞靈觀

旅次沔陽聞克復而用師者黜武因簡之

送辛吉甫覲省

題舞花山大師遺居

早秋滙水送人

小山驛送陸侍御

送李德興歸山居 九月十日即事

酬幽居閑上人喜及第後見贈

洛下贈微公

過孟浩然舊居

觀朱舍人歸葬吳中

步虛詞

送友人遊嵩山

題清鏡寺留別

宿淮陰作

春日南山行

贈

陳羽詩集目錄

陳羽詩集

江東人貞元八年陸贄下第三人登科歷官至樂宮尉佐卒有詩行於世

賦

明水賦

以玄化無宰至精感通爲韻

彼美明水含精自天孤影流輝乃凝空作潤召靈來享故爲酒糴玄所以貴新滌慮殷薦告虔水本涵清表至深之心著明以比德惟馨香之義全想夫含氣遙空成形永夜出陰鑒則凝清自美對明燭則搖光相借至誠所感同就濕而流大享是資若待神而化斯可謂至精無朕明誠有孚映清月而乍融乍結洗輕烟而若有若

陳羽詩集

一

無潤而鮮見湛露之濡金鏡晶而潔類清水之在玉壺至若高天委秋皎月分彩氤氳既合和粹斯在方昭德以降神異趨下而歸海是知嚴而敬者其德大潔而祀者其福倍繁景命之不渝豈成功之不宰原夫明水之初化也天子齋心司烜歲事望靈月露炎燧皎晶浮光清冷在器自無而有知靈化之不測應感而來知神物之斯至其或崇國祀設方明備禮樂潔粢盛用陶匏之器薦爾粟之牲秩神祇而配坐望天地之含精匪明水而神不降無明水則祀不誠是

以明處作離水居爲坎諒明冰之潛化本陰陽之所感其名也合五行之德其用也冠三酒之功泊爾味淡凝然色融至馨無臭至潔含空則是水也與靈物幽通

五言古詩

公子行

金羈白馬郎何處踏青來馬驕郎半醉躑躅望樓臺似見樓上人玲瓏窻戶開隔花聞一笑落日不知回

五言排律

陳羽詩集

二

中秋夜臨鏡湖望月

鏡裏秋宵望湖一作湖平月彩深圓光珠入浦浮照鵲驚林淡蕩光還碎嬋娟影不沈遠時生岸曲空處落波心迴徹輪初滿孤明鬼未侵桂枝如可折何惜夜登臨

御溝新柳

宛宛如絲柳含黃一望新未成溝上暗且向日邊春媚娜方遮水低迷欲醉人託空方鬱鬱遂溜影鱗鱗弄色滋宵露垂枝染夕塵夾堤連太液還似映天津

西蜀送許中庸歸秦赴舉

春色華陽國秦人此別離驛樓橫水影鄉路入
花枝日煖鶯飛好山晴馬去遲劔門當石隘棧
道入雲危獨鶴心千里貧交酒一卮桂條攀偃
蹇蘭葉藉參差旅夢驚蝴蝶殘魂怨子規碧霄
今夜月惆悵上峨眉

五言律詩

春日晴原野望

東風吹煖氣消散入晴天漸變池塘色欲生楊
柳煙蒙茸花向月潦倒客經年鄉思應愁望江
湖春水連

陳羽詩集

三

湘妃怨

舜欲省蠻陬南巡非逸游九山沈白日二女泣
滄洲目極巫一作楚雲斷恨連湘水流至今聞鼓瑟
咽絕不勝愁

送戴端公赴容州

分命諸侯重威綈繡服香八蠻沿險阻千騎踏
繁霜山斷旌旗出天清劔珮光還將小戴禮遠
去化南方

送殷華之洪州

離堂悲楚調君奏豫章行愁處雪花白夢中江
水清扣船歌月露避浪宿猿聲還作經年別相
思湖草生

春園即事

水隔羣物外夜深風起蘋霜中千樹橘月下五
湖人聽鶴忽忘寢見山如得鄰明年還到此共
看洞庭春

五言絕句

梁城父老怨

朝爲耕種人暮作刀鎗鬼相看父子血共染城

陳羽詩集

四

濠水

江上愁思二首

江上翁開門開門向衰草只知愁子孫不覺生
涯老

其二

江上
草莖枯葉復焦那堪芳意盡夜夜沒

寒潮

送遠上人

一作送靈上人

十年勞遠別一笑喜相逢又上青山去青山千

萬一作里重

七言古詩

長相思

相思長相思無限極相思苦相思損容色真可
惜相思不徹日日長相思腸斷絕淚還續間人
莫作相思曲

七言律詩

喜雪上竇相公

千門萬戶雪花浮點點無聲落瓦溝全似玉塵
消更積半成冰水結還流光添曙色連天遠輕
逐春風上玉樓平地已沾盈尺潤年豐須賀富

人侯

陳羽詩集

五

送友人及第歸江東

五陵春色泛花枝心醉花前遠別離落第恥爲
關右一作上客成名空羨里中兒都門雨歇愁分處
山店燈殘夢到時家住洞庭多釣伴同來相賀
話相思

長安卧病秋夜言懷

九重門鎖禁城秋月過南宮漸映樓紫陌夜深
槐露滴碧空雲盡火星流清風刻漏傳三殿甲
第歌鐘樂五侯楚客病來鄉思苦寂寥燈下不

勝愁

梓州與溫商夜別

鳳皇城裏花時別，玄武江邊月下逢。
客舍莫辭先買酒，相門曾忝舊登龍。
迎風屑雪千家竹，隔水悠揚午夜鐘。
明日又行西蜀路，一作去不堪天際遠山重。

七言絕句

湘妃怨

二妃怨處雲沈沈，二妃淚處水深。
商人酒滴廟前草，蕭颭風生斑竹林。

陳羽詩集

六

步虛詞

漢武清齋讀鼎書，內官扶上畫雲車。
壇上月明宮殿閉，仰看星斗禮空虛。

廣陵秋夜對月卽事

霜落寒空月上樓，月中歌吹滿揚州。
相看醉舞娉樓月，不覺隋家陵樹秋。

吳城覽古

吳王舊國水烟空，香徑無人蘭葉紅。
春色似憐歌舞地，年年先發館娃宮。

伏翼西洞送人

洞裏春晴花正開看花出洞幾時回殷勤好去
武陵客莫引世人相逐來

吳王廟

姑蘇城上

一作臺畔

千年樹

一作木

刻作夫差廟裏神旛

一作冠

蓋寂寥塵滿座

一作塵上滿

不知簫鼓樂何人

夏日宴九華池贈主人

池上涼臺五月涼百花開盡水芝香黃金買酒
邀詩客醉倒簷前青玉床

長安早春言志

九衢日煖樹蒼蒼萬里無人憶水鄉漢主未曾
親羽獵不知將底諫君王

陳羽詩集

七

讀蘇屬國傳

天連西北居連海沙塞重重不見春腸斷帝鄉
遙望日節毛零落漢家臣

犍爲城下夜泊聞夷歌

犍爲城下牂牁路空冢灘西賈客舟此夜可憐
江上月夷歌銅鼓不勝愁

和王中丞使君春日過高評事幽居

風光滿路旗旛出林下高人待使君笑藉紫蘭
相向醉野花千樹落紛紛

和王中丞中和日

節應中和天地晴繁絃疊鼓動高城漢家分刺
諸侯貴一曲陽春江水清

同韋中丞花下夜飲贈歌人

銀燭煌煌半醉人嬌歌宛轉動朱唇繁花落盡
春風裏繡被郎官不負春

若邪溪逢陸豐

溪上春晴聊看竹誰言驛使此相逢擔簦躡蹻
仍多病笑殺雲間陸士龍

夜泊荆溪

陳羽詩集

八

小雪已晴蘆葉暗長波乍急鶴聲嘶仙舟一夜
宿流水眼看山頭月落溪

南山別僧

惆悵人間多別離梅花滿眼獨行時無家度日
多爲客欲共山僧何處斯

戲題山居二首

雲蓋秋松幽洞近水穿簷石亂山深門前自有
千竿竹免向人家看竹林

其二

雖有柴門長不關片雲高木共身間猶嫌住久

人知處見欲移居更上山

山中秋夜喜士間見過

青山高處上不易白雲深處行亦難留君不宿
對秋月莫厭山空泉石寒

過樂陽山溪

衆草穿沙芳色齊踏莎行草過春溪閑雲相引
上山去人到山頭雲却低

姑蘇臺懷古

憶昔吳王爭霸日歌鐘一作謠滿地上高一作蘇臺三千

宮女看花處人盡臺崩花自開

陳羽詩集

九

將歸舊山留別

相共遊梁獨還異鄉搖落憶空山信陵死後
無公子徒向夷門學抱關

遊洞靈觀

初訪西城李少君獨行深入洞天雲風吹清桂
寒花落香繞仙壇處處聞

旅次沔陽聞克復而用師者窮兵黷武

因書簡之

江上烟消漢水清王師大破綠林兵干戈用盡
人成血韓信空傳壯士名

送辛吉甫常州覲省

西去蘭陵家不遠到家還及采蘭時
新年送客我爲客惆悵門前黃柳絲

題舞花山大師遺居

雨過流沙歸路長一生遺跡在東方
空堂寂寞閑燈影風動四山松栢香

早秋滌水送人歸越

涼葉蕭蕭生遠風曉鴉飛度望春宮
越人歸去一回首腸斷馬嘶秋水東

小山驛送陸侍御山

陳司詩集

鶴唳天邊秋水空荻花蘆葉起秋風
今夜渡頭何處宿會稽山在月明中

送李德興歸山居

烏中年少歸去來一片綵霞仙洞中
惆悵別時花似雪行人不肯醉春風

九月十日即事

漢江天外東流去巴塞連山萬里秋
節過重陽人病起一枝殘菊不勝愁

酬幽閑居上人喜及第後見贈

九霄心在勞相問四十人間豈足驚
風動自然

雲出岫高僧不用笑浮名

洛下贈微公

天竺沙門洛下逢請爲同社
笑相容支頤忽望
碧雲裏心愛嵩山第幾峯

襄陽過孟浩然舊居

襄陽城郭春風起漢水東流去不還
孟子死來
江樹老烟霞猶在鹿門山

觀朱舍人歸葬吳中

翩翩絳旄寒流上行送東歸
萬里魂幾處州人
臨水哭共看遺草有王言

東晉詩集

步虛詞

樓殿層層阿母家崑崙山頂住
紅霞笙歌出見
穆天子相引笑看琪樹花

送友人遊嵩山

嵩山歸路繞天壇雪影松聲滿
谷寒君見九龍
壇上月莫辭清夜水中看

題清鏡寺留別

路入千山愁自知雪花搖落壓松枝
世人並道
離別苦誰信山僧輕別離

宿淮陰作

秋燈點點淮陰市楚客連檣宿淮水夜深風起
魚鼈腥一作醒韓信祠堂明月裏

春日南山行

處處看山不可行野花相向笑無成長嫌爲客
過州縣浙被時人識姓名

贈

或棹孤舟或杖藜尋常適意釣長溪草堂竹逕
在何處落日孤煙寒渚西

陳羽詩集

陳羽詩集



1931
11
11